



SLUŽBENE NOVINE

KANTONA SARAJEVO

Godina XXII – Broj 15

Četvrtak, 20. aprila 2017. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 7. stav 2. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), Vlada Kantona Sarajevo, na 66. vanrednoj sjednici održanoj 13.04.2017. godine, donijela je

ODLUKU

O STANDARDIMA I KRITERIJIMA ZA IMENOVANJE PREDSJEDNIKA TURISTIČKE ZAJEDNICE KANTONA SARAJEVO

Član 1.

(Predmet Odluke)

Ovom Odlukom Vlada Kantona Sarajevo (u daljem tekstu: Vlada) utvrđuje standarde i kriterije za imenovanje predsjednika Turističke zajednice Kantona Sarajevo.

Član 2.

(Uslovi za imenovanje)

- (1) Za predsjednika Turističke zajednice Kantona Sarajevo može biti imenovan kandidat koji ispunjava sljedeće opće uslove:
- a) da je državljanin Bosne i Hercegovine,
 - b) da je stariji od 18 godina,
 - c) da ima opću zdravstvenu sposobnost za obavljanje poslova predviđenih za tu poziciju,
 - d) da nije otpušten iz državne službe kao rezultat disciplinske mjerne na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije,
 - e) da se na tog kandidata ne odnosi član IX 1. Ustava Bosne i Hercegovine,
 - f) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08).

- (2) Pored navedenih općih uslova, kandidat koji se imenuje na poziciju iz člana 1. ove Odluke, treba da ispunjava i sljedeće posebne uslove:

- a) da ima univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog ciklusa koji se vrednuje sa 240 ECTS bodova ili drugog ili trećeg ciklusa Bolonjskog sistema studiranja - završen fakultet društvenog smjera,

- b) najmanje pet godina radnog staža,
- c) poznавanje engleskog jezika,
- d) da nije osudivan za krivično djelo,
- e) da nije osudivan za privredni prijestup nespojiv sa obavljanjem dužnosti predsjednika Turističke zajednice Kantona Sarajevo,
- f) da se protiv njega ne vodi krivični postupak,
- g) da nema privatni finansijski interes u Turističkoj zajednici Kantona Sarajevo,
- h) da ima pozitivne rezultate rada ostvarene tokom karijere,
- i) da nije na funkciji u političkoj stranci,
- j) da nije stariji od 65 godina na dan imenovanja.

(3) U postupku imenovanja na poziciju iz člana 1. ove Odluke uzet će se u obzir i sljedeće:

- a) poznавanje propisa iz oblasti turizma,
- b) sposobnost za savjesno, odlučno i odgovorno obavljanje povjerenje funkcije,
- c) sposobnost nepristrasnog donošenja odluka,
- d) sposobnost upravljanja finansijskim i ljudskim resursima,
- e) komunikacijske i organizacijske sposobnosti i da je naklonjen timskom radu.

(4) Prije imenovanja na poziciju iz člana 1. ove Odluke, predloženi kandidat dužan je da dostavi dokaz o ispunjavanju uslova iz stava (1) tačka c) ovog člana, dok dokaze o ispunjavanju uslova iz stava (2) tač. d), e) i f) ovog člana za predloženog kandidata pribavlja Ministarstvo privrede Kantona Sarajevo po službenoj dužnosti, prije imenovanja kandidata na poziciju iz člana 1. ove Odluke.

Član 3.

(Ravnopravnost pri izboru)

Prilikom utvrđivanja ili primjene standarda, Vlada neće vršiti diskriminaciju prema bilo kome na temelju rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili postojanja presude za koju je izrečeno pomilovanje.

Član 4.

(Oglasavanje)

- (1) Na osnovu općih uslova utvrđenih u članu 7. stav 1. Zakona o ministarskim, vladinim i drugim imenovanjima Federacije Bosne i Hercegovine i standara i kriterija iz ove odluke ministar privrede Kantona Sarajevo (u daljem tekstu: ministar) će raspisati javni oglas za upražnjenu poziciju iz člana 1. ove odluke i objaviti ga u "Službenim novinama Federacije BiH" i u jednom dnevnom listu velikog tiraža.

S L U Ž B E N E N O V I N E
KANTONA SARAJEVO

Broj 15 – Strana 2

Četvrtak, 20. aprila 2017.

(2) Vlada će, na prijedlog ministra, rješenjem imenovati komisiju za provođenje javnog oglasa iz stava (1) ovog člana.

Član 5.

(Čuvanje standarda i kriterija)

Standardi i kriteriji za imenovanje čuvaju se u evidenciji Vlade.

Član 6.

(Stupanje na snagu odluke)

Ova Odluka stupa na snagu narednog dana objavljivanja u "Službenim novinama Kantona Sarajevo".

Broj 02-05-15291-1/17

13. aprila 2017. godine
Sarajevo

Premjer

Elmedin Konaković, s. r.

Na osnovu člana 19. stav (1) tačka 2), člana 21. st. (1) i (4), člana 23. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", broj 86/07, 24/09 i 44/10), člana 26. i 27. stav (2) Zakona o tržištu vrijednosnih papira ("Službene novine Federacije BiH", br. 85/08, 109/12 i 86/15), a u vezi sa tačkom II stav (1) Odluke o uslovima i procedurama emisije obveznica Kantona Sarajevo ("Službene novine Kantona Sarajevo", broj 22/16) i člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), Vlada Kantona Sarajevo, na 80. sjednici održanoj 14.04.2017. godine, donosi

ODLUKU

**O ZADUŽENJU KANTONA SARAJEVO PUTEM
EMISIJE OBVEZNICA KANTONA**

I

Odobrava se zaduženje Kantona Sarajevo (u daljem tekstu: Kanton) putem emisije obveznica radi prikupljanja sredstava za finansiranje dijela kapitalnih projekata i budžetskog deficitia u skladu sa članom 1. Budžeta Kantona Sarajevo za 2017. godinu, u iznosu do 6.400.000,00 KM (slovima: šestmilionačetristotinohiljada KM).

Emisija obveznica će se izvršiti javnom ponudom putem aukcije na berzi.

II

Osnovni elementi obveznica iz tačke I ove Odluke su:

- Emitent: Kanton Sarajevo, ul. Reisa Džemaludina Čauševića 1
- Redni broj emisije: 2. (druga) emisija
- Klasa vrijednosnih papira: obveznica sa fiksnim kuponom
- Broj obveznica: 6.400,00
- Nominalna vrijednost obveznice: 1.000,00 KM
- Ukupna vrijednost emisije: 6.400.000,00 KM
- Dospjeće: 3 godine
- Visina kamate: metod višestruke cijene
- Rok za isplatu kamate: polugodišnje, od datuma poravnjanja
- Isplata glavnice: jednokratno na datum dospjeća
- Datum aukcije: 30.05.2017. godine
- Kriterij uspješnosti emisije: upis i uplata najmanje 60% ukupnog broja obveznica
- Metod aukcije: anonimna aukcija

III

Komisija za vrijednosne papire FBiH odlučuje o zahtjevu Kantona za odobrenje emisije obveznica donošenjem rješenja.

Kanton će pripremiti prospekt emisije u skladu sa čl. 32. i 33. Zakona o tržištu vrijednosnih papira ("Službene novine Federacije BiH", br. 85/08, 109/12 i 86/15).

IV

Javni poziv za učestvovanje u emisiji obveznica Kantona objavljuje se na internet stranicama Ministarstva finansija Kantona Sarajevo (u daljem tekstu: Ministarstvo), agenta emisije, i Sarajevskoj berzi-burzi vrijednosnih papira d.d. Sarajevo (u daljem tekstu: SASE) i u dnevnim novinama u Federaciji BiH, najkasnije sedam dana prije dana održavanja aukcije.

Kanton je obavezan u roku od 3 (tri) dana od dana objave javnog poziva Komisiji za vrijednosne papire FBiH dostaviti dokaz da je poziv objavljen.

V

Obveznice se emituju u nematerijalizovanom obliku i registruju kod Registra vrijednosnih papira u Federaciji Bosne i Hercegovine (u daljem tekstu: RVP). Ministarstvo sa RVP zaključuje ugovor o poslovima registracije i vođenja obveznica.

Obveznice se izdaju u originalnoj valuti KM, s tim da se njihova vrijednost veže za vrijednost EUR (EUR valutna klauzula) gdje je vrijednost na dan izdanja jednak fiksnoj vrijednosti od EUR = 1,95583 KM. U slučaju promjene vrijednosti EUR za KM, primjenjivat će se srednji kurs EUR za KM prema kursnoj listi Centralne banke Bosne i Hercegovine na dan izmirenja obaveza po obveznicama.

Ne postoje nikakva ograničenja u prenosu obveznica.

VI

Vlasništvo nad obveznicama stiče se na dan poravnjanja upisom obveznica na odgovarajuće račune vrijednosnih papira koji se vode kod RVP i vlasniku daje pravo naplate nominalne vrijednosti glavnice i kamate.

Sredstva za izmirenje obaveza iz stava 1. ove tačke osigurat će se iz Budžeta Kantona Sarajevo.

VII

Obveznice iz tačke II ove Odluke mogu se otkupiti prije roka njihovog dospjeća.

VIII

Prodaja obveznica vrši se putem aukcije na SASE metodom višestruke cijene. Nalozi se ispostavljaju unošenjem prinosa na dva decimalna mjesta.

Cijena obveznice se utvrđuje na osnovu sljedeće formule:

$$\text{CIJENA} = \left[\frac{\text{ispisara}}{\left(1 + \frac{\text{prinos}}{\text{učestalošt}}\right)^{(N-1+\frac{DSC}{E})}} \right] + \left[\sum_{k=1}^N \frac{100 \times \text{stopa}}{\left(1 + \frac{\text{prinos}}{\text{učestalošt}}\right)^{(k-1+\frac{DSC}{E})}} \right] - \left(100 \times \frac{\text{stopa}}{\text{učestalošt}} \times \frac{A}{E} \right)$$

DSC = broj dana od datuma poravnjanja do narednog kuponskog datuma,

E = broj dana u kuponskom periodu u koji ulazi datum poravnjanja,

N = broj kupona plativih između datuma poravnjanja i datuma isplate,

A = broj dana od početka kuponskog perioda do datuma poravnjanja.

IX

Ministarstvo zadržava pravo da prihvati ponudu u cjelini, djelimično ili da odbije sve ponude za kupovinu.

X

Poslove po osnovu emisije obveznica obavlja Ministarstvo. Ministarstvo zaključuje ugovor sa SASE, bankom depozitarom, agentom emisije o obavljanju poslova u emisiji obveznica i Registrom vrijednosnih papira kao platnim agentom.

XI

Aukcija obveznica na primarnom tržištu obavlja se preko aukcijske platforme berzanskog trgovinskog sistema (u daljem tekstu: BTS) SASE u periodu od 9:00 do 13:00 sati, osim ako u javnom pozivu nije drugačije naznačeno.